

文選正文

山子點

三

16
2788
4



18
2788
4

文選正文卷之三

賦類

登樓賦

王粲

登茲樓以四望兮。聊暇日以消憂。覽斯宇之所處兮。實顯敞而寡仇。挾清漳之通浦兮。倚曲沮之長洲。背墳衍之廣陸兮。臨臯隰之沃流。北彌陶牧。西接昭丘。華實蔽野。黍稷盈疇。雖信美而非吾土兮。曾何足以少留。遭紛濁而遷逝兮。漫踰紀以迄。今情眷眷而懷歸兮。孰憂思之可任。憑軒檻以遙望兮。向北風而開襟。平原遠而極目兮。蔽荆山之高岑。路逶迤而修迥兮。川旣漾而濟深。悲舊鄉之壅隔兮。涕橫墜而弗禁。昔尼父之在陳兮。有歸歎之歎音。鍾儀幽而楚奏兮。莊舄顯而

王粲登樓賦
卷之三
賦類
登樓賦

越吟人情同於懷土兮。豈窮達而異心。惟日月之逾邁兮。俟河清其未極。與王道之一平兮。假高衢而騁力。懼匏瓜之徒懸兮。畏井渫之莫食。步棲遲以徙倚兮。白日忽其將匿。風蕭瑟而並興兮。天慘慘而無色。獸狂顧以求羣兮。鳥相鳴而舉翼。原野闐其無人兮。征夫行而未息。心悽愴以感發兮。意怫怛而憫惻。循階除而下降兮。氣交憤於胷臆。夜參半而不寐兮。悵盤桓以反側。

遊天台山賦

并序

孫綽

天台山者。蓋山嶽之神秀也。涉海則有方丈蓬萊。登陸則有四明天台。皆玄聖之所遊化。靈仙之所窟宅。夫其峻極之狀。嘉祥之美。窮山海之瓌富。盡人神之壯麗矣。所以不列於五

嶽。闕載於常典者。豈不以所立冥奧。其路幽迴。或倒景於重溟。或匿峰於千嶺。始經魑魅之塗。卒踐無人之境。舉世罕能登陟。王者莫由禋祀。故事絕於常篇。名標於奇紀。然圖像之興。豈虛也哉。非夫遺世翫道。絕粒茹芝者。烏能輕舉而宅之。非夫遠寄冥搜。篤信通神者。何肯遙想而存之。余所以馳神運思。晝詠宵興。俛仰之間。若已再升者也。方解纓絡。永託茲嶺。不任吟想之至。聊奮藻以散懷。

太虛遼廓而無閔。運自然之妙。有融而爲川。瀆結而爲山阜。嗟台嶽之所奇挺。實神明之所扶持。陰牛宿以曜峯。託靈越以正基。結根彌於華岱。直指高於九疑。應配天於唐典。齊峻極於周詩。邈彼絕域。幽邃窈窕。近智者以守見。而不之之者。

以路絕而莫曉。晒夏蟲之疑冰。整輕翮而思矯。理無隱而不彰。啓一奇以示兆。赤城霞起。以建標。瀑布飛流。以界道。覩靈驗而遂徂。忽乎吾之將行。仍羽人於丹丘。尋不死之福庭。苟合嶺之可攀。亦何羨於層城。釋域中之常戀。暢超然之高情。被毛褐之森森。振金策之鈐鈐。披荒榛之蒙籠。陟峭嶸之崢嶸。濟樵溪而直進。落五界而迅征。跨穹隆之懸磴。臨萬丈之絕冥。踐莓苔之滑石。搏壁立之翠屏。攬樛木之長蘿。援葛藟之飛莖。雖一冒於垂堂。乃永存乎長生。必契誠於幽昧。履重險而逾平。既克濟於九折。路威夷而脩通。恣心目之寥朗。任緩步之從容。藉萋萋之織草。蔭落落之長松。覩翔鸞之裔裔。聽鳴鳳之嚶嚶。過靈溪而一濯。疏煩想於心曾。蕩遺塵於旋

流。發五蓋之遊蒙。追羲農之絕軌。躡一老之玄蹤。陟降信宿。迄于仙都。雙闕雲竦。以夾路。瓊臺中天。而懸居。朱閣玲瓏。於林間。玉堂蔭映。於高隅。彤雲斐斐。以翼樞。皦日炯晃。於綺疏。八桂森挺。以凌霜。五芝含秀。而晨敷。惠風佇芳。於陽林。醴泉涌溜。於陰渠。建木滅景。於千尋。琪樹璀璨。而垂珠。王喬控鶴。以冲天。應真飛錫。以躡虛。騁神變之揮霍。忽出有而入。無於是遊覽。既周。體靜心閒。害馬已去。世事都捐。投刃皆虛。日牛無全疑。思幽巖。朗詠長川。爾乃羲和亭午。遊氣高褰。法鼓琅以振響。衆香馥以揚烟。肆覲天宗。爰集通仙。挹以玄玉之膏。漱以華池之泉。散以象外之說。暢以無生之篇。悟遣有之不盡。覺涉無之有間。泯色空以合跡。忽卽有而得玄。釋二名之

效選 同出消一無於三幡恣語樂以終日等寂默於不言渾萬象以冥觀兀同體於自然

蕪城賦

鮑昭

瀟湘平原南馳蒼梧漲海北走紫塞鴈門施以漕渠軸以崑岡重江複關之隩四會五達之莊當昔全盛之時車挂轄人駕肩廬閉撲地歌吹沸天孽貨鹽田鎗利銅山才力雄富士馬精妍故能侈秦法佚周令劃崇墉剡濬洫圖脩世以休命是以板築雉堞之殷井幹烽櫓之勤格高五嶽袤廣三墳崕若斷岸轟似長雲製磁石以禦衝糊積壤以飛文觀基扃之固護將萬祀而一君出入三代五百餘載竟瓜剖而豆分澤葵依井荒葛冒塗壇羅虺蜺階闕磨臙木魅山鬼野鼠城狐

風嗥雨嘯昏見晨趨饑鷹厲吻寒鴟嚇雛伏蹏藏虎乳血餐膚崩榛塞路崢嶸古堠白揚早落塞草前衰稜稜霜氣款款風威孤蓬自振驚砂坐飛灌莽杳而無際叢薄紛其相依通池既已夷峻隅又以頽直視千里外唯見起黃埃凝思寂聽心傷已摧若夫藻扃黼帳歌堂舞閣之基璇淵碧樹弋林釣渚之館吳蔡齊秦之聲魚龍爵馬之玩皆薰歇燼滅光沈響絕東都妙姬南國麗人蕙心紈質玉貌絳唇莫不埋竟幽石委骨窮塵豈憶同輦之愉樂離宮之苦辛哉天道如何吞恨者多抽琴命操爲蕪城之歌歌曰邊風急兮城上寒井徑滅兮丘隴殘千齡兮萬代其盡兮何言

魯靈光殿賦

并序

王延壽

魯靈光殿者。蓋景帝程姬之子。恭王餘之所立也。初恭王始都下國。好治宮室。遂因魯僖基兆而營焉。遭漢中微盜賊奔突。自西京未央建章之殿。皆見隳壞。而靈光巋然獨存。意者豈非神明依憑支持。以保漢室者也。然其規矩制度。上應星宿。亦所以永安也。予客自南鄙。觀藝於魯。覩斯而貽曰。嗟乎。詩人之興感物而作。故奚斯頌僖歌其路寢。而功績存乎辭。德音昭乎聲。物以賦顯。事以頌宣。匪賦匪頌。將何述焉。遂作賦曰。

粵若稽古帝漢。祖宗濬哲。欽明殷五代之純熙。紹伊唐之炎精。荷天衢以元亨。廓宇宙而作京。敷皇極以創業。協神道而太寧。於是百姓昭明。九族敦序。乃命孝孫。俾侯于魯。錫介珪。

以作瑞宅。附庸而開宇。乃立靈光之秘殿。配紫微而爲輔。承明堂於少陽。昭列顯於奎之分野。瞻彼靈光之爲狀也。則嗟哦。罪鬼危巍。岵岵可畏。乎其駭人也。迢遶僞儻。豐麗博敞。洞軫軫兮。其無垠也。邈希世而特出。羗瓌譎而鴻紛。屹山峙以紆鬱。隆岬岬乎青雲。鬱坱圠以增峻。崩繒綾而龍鱗。汨磴磴以璀璨。赫燁燁而燭坤。狀若積石之鏘鏘。又似乎帝室之威神。崇墉岡連。以嶺屬。朱闕巖巖。而雙立。高門擬于閭闔。方二軌而並入。於是乎乃歷夫太階。以造其堂。俯仰顧眄。東西周章。彤彩之飾。徒何爲乎。滟滟泫泫。流離爛熳。皓壁皜曜。以月照。丹柱欵絕。而電燧霞駸。雲蔚若陰。若陽。濯濩燐亂。焯焯煌煌。隱陰夏。以中處。濛濛寒寤。以崢嶸。鴻燿燿。以燻閭。颺蕭條。

效選山苑 卷之三
而清冷動滴瀝以成響殷雷應其若驚耳嘈嘈以失聽日曠
曠而喪精駢密石與琅玕齊玉璫與璧英遂排金扉而北入
宵藹藹而晻曖旋室嬾娟以窈窕洞房叫窳而幽邃西廂踟
躕以閑宴東序重深而奧祕屹睥睨以勿罔屑鷹鷂以懿漚
竟悚悚其驚斯心惴惴而發悸於是詳察其棟宇觀其結構
規矩應天上憲觜瞰偏危雲起嶽峯離樓三間四表八維九
隅萬楹叢倚磊砢相扶浮柱岵嶇以星懸漂嶢峴而枝柱飛
梁偃蹇以虹指揭蘧蘧而騰湊層檻礫危以岌峩曲枅要絡
而環勾芝栴攢羅以戢香枝掌扞扞而斜據倚天嶠以橫出
互黝糾而搏負下弗蔚以璀錯上崎嶇而重注捷獵鱗集支
離分赴縱橫駱驛各有所趣爾乃懸棟結阿天窗綺踈圓淵

方井反植荷渠發秀吐榮菡萏披敷綠房紫葍窳窳垂珠雲
粲藻枕龍楠彫鏤飛禽走獸因木生姿奔虎攫拏以梁倚仡
奮甍而軒鬣虬龍騰驤以蜿蟺頷若動而躩踞朱鳥舒翼以
峙衡騰地蟻蚪而遠接白鹿孑蜎於樽櫨蟠螭宛轉而承楹
狡兔踈伏於柎側狡狴攀椽而相追玄熊蚶蛭以斷斷却負
戴而躡蹠齊首目以瞪眙徒脈脈而行狝胡人遙集於上楹
儼雅跽而相對仡欺猓以鵬耽顛顛顛而睽睽狀若悲愁於
危處憊頰蹙而含悴神仙岳岳於棟間玉女闕窓而下視忽
矐眇以響像若鬼神之髣髴圖書天地品類羣生雜物奇怪
山神海靈寫載其狀託之丹青千變萬化事各繆形隨色象
類曲得其情上紀開闢遂古之初五龍比翼人皇九頭伏羲

麟身女媧蛇軀鴻荒樸畧厥狀睚眦煥炳可觀黃帝唐虞軒
冕以庸衣裳有殊下及三后淫妃亂主忠臣孝子烈士貞女
賢愚成敗靡不載敘惡以誡世善以示後於是乎連閣承宮
馳道周環陽榭外望高樓飛觀長塗升降軒檻曼延漸臺臨
池層曲九成屹然特立的爾殊形高徑華蓋仰看天庭飛陛
揭孽緣雲上征中坐垂景頽視流星千門相似萬戶如一巖
突洞出逶迤詰屈周行數里仰不見日何宏麗之靡靡咨用
力之妙勤非夫通神之俊才誰能尅成乎此敷據坤靈之寶
勢承蒼昊之純殷包陰陽之變化含元氣之烟燼玄醴騰涌
於陰溝甘露被宇而下臻朱桂黝儵於南北蘭芝婀娜於東
西祥風翕習以颯灑激芳香而常芬神靈扶其棟宇歷千載
而彌堅永安寧以祉福長與大漢而久存實至尊之所御保
延壽而宥子孫苟可貴其若斯孰亦有云而不珍亂曰彤彤
靈宮歸罪穹崇紛厖鴻兮崩劣嶷嶷岑峯窟疑駢龍從兮連
拳偃蹇崙菌蹉蹉俯欹傾兮歇欬幽靄雲覆灑霽洞杳冥兮
葱翠紫蔚礧礧瑰瑋含光畧兮窮奇極妙棟宇已來未之有
兮神之營之瑞我漢室永不朽兮

景福殿賦

何晏

大哉惟魏世有哲聖武創元基文集大命皆體天作制順時
立政至于帝皇遂重熙而累盛遠則襲陰陽之自然近則本
人物之至情上則崇稽古之弘道下則闡長世之善經庶事
既康天秩孔明故載祀二二而國富刑清歲三月東巡狩至

效選 卷之三
於許昌望祠山川考時度方存問高年率民耕桑越六月既
望林鍾紀律大火昏正桑梓繁蕪大雨時行三事九司宏儒
碩生相與感乎溽暑之伊鬱而慮性命之所平惟岷越之不
靜寤征行之未寧乃昌言曰昔在蕭公暨于孫卿皆先識博
覽明允篤誠莫不以爲不壯不麗不足以一民而重威靈不
節不美不足以訓後而示厥成故當時享其功利後世賴其
英聲且許昌者乃大運之攸戾圖讖之所旌苟德義其如斯
夫何宮室之勿營帝曰俞哉玄輅旣駕輕裘斯御乃命有司
禮儀是具審量日力詳度費務鳩經始之黎民輯農功之暇
豫因東師之獻捷就海孽之賄賂立景福之秘殿備皇居之
制度爾乃豐層覆之耽耽建高基之堂堂羅疏柱之汨越肅

坻鄂之鏘鏘飛欄翼以軒翥反宇轍以高驥流羽毛之歲粲
垂環玼之琳琅參旗九旒從風飄揚皓皓盱盱丹彩煌煌故
其華表則鎬鎬鏘鏘赫奕章灼若日月之麗天也其奧秘則
翳蔽曖昧髣髴退概若幽星之纏連也旣櫛比而攢集又宏
璉以豐敞兼苞博落不常一象遠而望之若摘朱霞而耀天
文迫而察之若仰崇山而戴垂雲嗟瓌瑋以壯麗紛或或其
難分此其大較也若乃高薨崔嵬飛宇承霓懸蠻黠鬪隨雲
融泄鳥企山峙若翔若滯峨峨喋喋罔識所屆雖離朱之至
精猶眩曜而不能昭晰也爾乃開南端之豁達張荀虞之輪
幽華鍾杙其高懸悍獸佗以儷陳體洪剛之猛毅聲訇礮其
若震爰有遐狄錄質輪茵坐高門之側堂彰聖主之威神芸

若克庭槐楓被宸綬以萬年絳以紫榛或以嘉名取寵或以
美材見珍結實商秋敷華青春藹藹萋萋馥馥芬芬爾其結
構則脩梁彩制下褰上奇桁梧複疊勢合形離絕如宛虹赫
如奔螭南岨陽榮北極幽崖任重道遠厥庸孔多於是列鬆
形之繡栢垂琬琰之文璫蝮若神龍之登降灼若明月之流
光爰有禁楸勒分翼張承以陽馬接以圓方斑間賦白疎密
有章飛柳鳥踊雙轅是荷赴險凌虛獵捷相和皎皎白間離
離列錢晨光內照流景外燄烈若鈎星在漢渙若雲梁承天
駟徙增錯轉縣成郭茄菴倒植吐被芙蓉繚以藻井編以絳
疏紅葩鞞鞞丹綺離婁菡萏翕織縟紛敷繁飾累巧不可
勝書於是蘭栢積重窶數矩設檝櫨各落以相承欒拱天蟠

而交結金楹齊列玉鳥承跋青瑣銀鋪是爲闔闔雙枚旣脩
重桴乃飾槐栢緣邊周流四極侯衛之班藩服之職溫房承
其東序涼室處其西偏開建陽則朱炎豔啓金光則清風臻
故冬不淒寒夏無炎燁鈞調中適可以永年墉垣碣基其光
照照周制白盛今也維縹落帶金釭此焉二等明珠翠羽往
往而在欽先王之允塞悅重華之無爲命其工使作續明五
采之彰施圖象古昔以當箴規椒房之列是隼是儀觀虞姬
之容止知治國之佞臣見姜后之解佩寤前世之所遵賢鍾
離之讜言懿楚樊之退身嘉班妾之辭輦偉孟母之擇隣故
將廣智必先多聞多聞多雜多雜取真不眩焉在在乎擇人
故將立德必先近仁欲此禮之不訾是以盡乎行道之先民

朝觀夕覽何與書紳若乃階除連延蕭曼雲征櫺檻邛張鉤
錯矩成楯類騰蛇相似瓊英如螭之蟠如虬之停玄軒交登
光藻昭明騶虞承獻素質仁形彰天瑞之休顯照遠戎之來
庭陰堂承北方軒九戶右个清宴東西其宇連以永寧安昌
臨圃遂及百子後宮攸處處之斯何窈窕淑女思齊徽音書
求多祐其祐伊何宜爾孫子克明克哲克聰克敏永錫難耆
兆民賴止於南則有承光前殿賦政之宮納賢用能詢道求
中疆理宇宙甄陶國風雲行雨施品物咸融其西則有左城
右平講肄之場二六對陳殿翼相當僻脫承便益象戎兵察
解言歸譬諸政刑將以行令豈惟娛情鎮以崇臺實曰永始
覆閣重闈猖狂是俟京庾之儲無物不有不虞之戒於是焉

取爾乃建凌雲之層盤浚虞淵之靈沼清露瀼瀼淥水浩浩
樹以嘉木植以芳草悠悠玄魚皦皦白鳥沈浮翱翔樂我皇
道若乃虬龍灌注溝洫交流陸設殿館水方輕舟篁樓鷗
鷺瀨戲鯁鮪豐侔淮海富賑山丘叢集委積焉可殫籌雖咸
池之壯觀夫何足以比儼於是揭以高昌崇觀表以建城峻
廬岩巖岑立崔嵬巒居飛閣干雲浮階乘虛遙目九野遠覽
長圖俯看三市孰有誰無覩農人之耘耔亮稼穡之艱難惟
饗年之豐寡思無逸之所歎感物衆而思深因居高而慮危
惟天德之不易懼世俗之難知觀器械之良窳察俗化之誠
僞瞻貴賤之所在悟政刑之夷陂亦所以省風助教豈惟盤
樂而崇侈靡屯方列署三十有二星居宿陳綺錯鱗比辛壬

效選正文卷之三
癸甲爲之名秩房室齊均堂庭如一出此入彼欲反忘術惟
工匠之多端固萬變之不窮物無難而不知乃與造化乎比
隆讐天地以開基並列宿而作制制無細而不協於規景作
無微而或違於水臬故其增構如積植木如林區連域絕葉
比枝分離背別趣駢田胥附縱橫踰延各有攸注公輸荒其
規矩匠石不知其所斷既窮巧於規摹何彩章之未殫爾乃
文以朱綠飾以碧丹點以銀黃燦以琅玕光明熠燿文彩璘
璘清風萃而成響朝日曜而增鮮雖崑崙之靈宮將何以乎
侈旃規矩既應乎天地舉措又順乎四時是以六合元亨九
有雍熙家懷克讓之風人詠康哉之詩莫不優游以自得故
淡泊而無所思歷列辟而論功無今日之至治彼吳蜀之湮

滅固可翹足而待之然而聖上猶孜孜靡忒求天下之所以
自悟招忠正之士開公直之路想周公之昔戒慕咎繇之典
謨除無用之官省生事之故絕流遁之繁禮反人情之太素
故能翔岐陽之鳴鳳納虞氏之白環蒼龍覲於陂塘龜書出
於河源醴泉涌於池圃靈芝生於丘園總神靈之覲祐集華
夏之至歡方四三皇而六五帝會何周夏之足言

海賦

木華

昔在帝媯巨唐之世天網淳涵爲涸爲瘵洪濤瀾汗萬里無
際長波沓滌池涎八裔於是乎禹也乃鏟臨崖之阜陸決陂
潢而相援啓龍門之峯嶺墜陵巒而斬鑿羣山既畧百川潛
滌決滂澹泞騰傾赴勢江河既導萬穴俱流掎拔五嶽竭涸

九州瀝滴滲淫蒼蔚雲霧消流決瀼莫不來注於廓靈海長
為委輸其為廣也其為怪也宜其為大也爾其為狀也則乃
液洩激灑浮天無岸冲融沆瀣渺瀰漫波如連山乍合乍
散嘘噏百川洗滌淮漢襄陵廣鳥膠蕩浩汗若乃大明撫轡
於金樞之穴翔陽逸駭於扶桑之津影沙碧石蕩矚鳥濱於
是鼓怒溢浪揚浮更相觸搏飛沫起濤狀如天輪膠戾而激
轉又似地軸挺拔而爭迴岑嶺飛騰而反覆五岳鼓舞而相
颺涓瀆淪而滄潔鬱沕迭而降頽盤盪激而成窟洑淵滌而
為魁澗泊拍而也颺磊芻芻而相颺驚浪雷奔駭水迸集開
合解會灑灑濕濕葩華跋沚頽濘漶漶若乃霾曠潛銷莫振
莫疎輕塵不飛纖蘿不動猶尚呀呷餘波獨湧澎滂濞礫碾

磊山壘爾其枝岐潭淪渤蕩成汜乖蠻隔夷廻互萬里若乃
偏荒速告王命急宣飛駿鼓楫汎海凌山於是候勁風揭百
尺維長綯挂帆席望濤遠決罔然鳥逝鷗如驚鳧之失侶倏
如六龍之所掣一越三千不終朝而濟所屆若其負穢臨深
虛誓愆祈則有海童邀路馬銜當蹊天吳乍見而髣髴蜩像
暫曉而閃屍羣妖遘迂眇睒冶夷決帆摧撞戕風起惡廓如
靈變惚恍幽暮氣似天霄變黓雲布靄昱絕電白色妖露呵
嗽掩鬱矇眈無度飛滂相礮激勢相沕崩雲屑雨滋滋汨汨
踈蹕湛灤沸潰滄溢灌泝濩濩蕩雲沃日於是舟人漁子徂
南極東或屑沒於鼉鼉之穴或挂胷於岑嶽之峰或掣掣洩
洩於裸人之國或汎汎悠悠於黑齒之邦或乃萍流而浮轉

或因歸風以自反。徒識觀怪之多。駭乃不悟。所歷之近遠。爾其大量也。則南淪朱崖。北灑天墟。東演析木。西薄青徐。經途溲溲。萬萬有餘。吐雲霓。含龍魚。隱鯢鱗。潛靈居。豈徒積太顛之寶貝。與隨侯之明珠。將世之所收者。常聞所未名者。若無且希世之所聞。惡審其名。故可仿像其色。變黶其形。爾其水府之內。極深之庭。則有崇島巨鼇。崢嶸孤亭。擘洪波。指太清。竭磐石。棲百靈。颺凱風而南逝。廣莫至而北征。其垠則有天琛水怪。鮫人之室。瑕石詭暉。鱗甲異質。若乃雲錦散文於沙汭之際。綾羅被光於螺蚌之節。繁采揚華。萬色隱鮮。陽冰不冷。陰火潛然。熇炭重燔。吹燭九泉。朱燼綠煙。曖眇蟬蛸。魚則橫海之鯨。突抗孤遊。曼巖巖偃。高濤茹鱗。甲吞龍舟。翕波則洪連踈蹄。吹澇則百川倒流。或乃蹭蹬窮波。陸死鹽田。巨鱗挿雲鬣。鬣刺天。顛骨成嶽。流膏爲淵。若乃巖坻之隈。沙石之欽。毛翼產殼。剖卵成禽。鳧雛離襪。鶴子淋滲。羣飛侶浴。戲廣浮深。翔鶩連軒。洩洩淫淫。翻動成雷。擾翰爲林。更相叫嘯。詭色殊音。若乃三光旣清。天地融朗。不汎陽侯。乘躋絕往。覲安期於蓬萊。見喬山之帝像。羣仙縹眇。餐玉清涯。履阜鄉之畱。鳥被羽翮之穆。襪翔天沼。戲窮溟。甄有形於無欲。永悠悠以長生。且其爲器也。包乾之奧。括坤之區。惟神是宅。亦祇是廬。何奇不有。何怪不備。茫茫積流。含形內虛。曠哉坎德。卑以自居。弘往納來。以宗以都。品物類生。何有何無。

江賦

郭璞

洛五才之並用實水德之靈長惟岷山之導江初發源乎濫
觴聿經始於洛沫攏萬川乎巴梁衝巫峽以迅激躋江津而
起漲極漲量而海運狀滔天以森茫總括漢泗兼包淮湘并
吞沅澧汲引沮漳源二分於岷岷流九派乎潯陽鼓洪濤於
赤岸淪餘波乎柴桑網絡羣流商摧涓澮表神委於江都混
流宗而東會注五湖以漫漭灌三江而澎湃滴汗六州之域
經營炎景之外所以作限於華裔壯天地之嶮介呼吸萬里
吐納靈潮自然往復或夕或朝激逸勢以前驅乃鼓怒而作
濤峨嶠爲泉陽之揭玉壘作東別之標衡霍磊落以連鎖巫
廬鬼窟而比嶠協靈通氣潰薄相陶流風蒸雷騰虹揚霄出
信陽而長邁淙大壑與沃焦若乃巴東之峽夏后疏鑿絕岸

萬丈壁立赧駭虎牙嶨豎以屹崿荆門闕竦而磐礴圓淵九
迴以懸騰溢流雷响而電激駭浪暴灑驚波飛薄迅復增澆
湧湍疊躍砢巖鼓作崩濤泉滴瓌澳灑灑潰濩波瀾滴淙忽
決瀟澗瀾淪旋濃滌滌浪瀉瀉瀑漫滅盡浪龍鱗結絡碧沙
遺漑而往來巨石硨磲以前卻潛演之所汨泥奔漚之所磔
錯厓隙爲之泐矻矻嶺爲之崿崿幽澗積阻巖磔若確若乃
曾潭之府靈湖之淵澄澹汪沆瀟滉困法泓法洞涼涪荆圖
潏混瀚顯渙流映揚焰溟漭渺沔汗汗涸涸察之無象尋之
無邊氣滄淳以霧杳時鬱律其如煙類胚渾之未疑象太極
之構天長波浹滌峻湍崔嵬盤渦谷轉凌濤山頽陽炭破砢
以岸起洪瀾澗演而雲迴浩淪窅漭乍沓乍堆皸如地裂豁

若天開觸曲崖以縈繞駭崩浪而相礪鼓合窟以澎湃乃溢
湧而駕隈魚則江豚海狶叔鮪王鱣緡鯨鯨鮪鮫鯨鯨鯨或
鹿貉象鼻或虎狀龍顏鱗甲錯煥爛錦斑揚鬣掉尾噴浪
飛颺排流呼哈隨波遊延或曝采以晃淵或嚇鯢乎巖間介
鯨乘濤以出入鱖鮓順時而往還爾其水物怪錯則有潛鵠
魚牛虎蛟鈎蛇輪轉蠶蝠鱗鼈鼉龍玉珧海月土肉石華三
蠖蚌晞曜以瑩珠石蚌應節而揚葩蜃蟪森衰以垂翹玄螭
瑰礫而碾啞或泛漱於潮波或混淪乎泥沙若乃龍鯉一角
奇鷄九頭有鼈三足有龜六眸積螯踞躍而吐璣文鯢馨鳴
以孕珍條蠕拂翼而掣耀神蜈蝮蟪以沈遊駢馬騰波以噓

蹀水兕雷咆乎陽侯淵客築室於巖底鮫人構館於懸流電
布餘糧星離沙鏡青綸競糾縹組爭映紫菜熒擘以叢被綠
苔鬚鬚乎研上石帆蒙龍以蓋嶼萍實時出而漂泳其下則
金礦丹礫雲精燭銀瑒琬璿瑰水碧潛瑋鳴石列於陽渚浮
磬肆乎陰濱或頰彩輕漣或焰曜涯鄰林無不滌岸無不津
其羽族也則有晨鵠天雞鴻鷺鷗馱陽鳥爰翔于以玄月千
類萬聲自相喧聒濯翮疏風鼓翅翻翮揮弄灑珠拊拂瀑沫
集若霞布散如雲豁產能積羽往來勃碣檠杞楨薄於濤浹
枒槩森嶺而羅峰桃枝篔簹實繁有叢葭蒲雲蔓櫻以蘭紅
揚暘眊擢紫茸蔭潭澳被長江繁蔚芳離隱藹水松涯灌芊
葉潛蒼葱龍鮫鮓踞於垠隙獫狽睽瞍乎奩空迅雌臨虛

以騁巧孤獲登危而雍容夔佑翹蹠於夕陽駕維弄翮乎山
東因岐成渚觸澗開渠漱壑生浦區別作湖澄之以縈瀟灑
之以尾間標之以翠翳泛之以遊菰播匪藝之芒種挺自然
之嘉蔬鱗被菱荷攢布水菰翹莖藻藜濯穎散裹隨風猗萎
與波潭池流光潛映景炎霞火其旁則有雲夢雷池彭蠡青
草具區洮漏珠漥丹凜極望數百沆瀣晶滌爰有包山洞庭
巴陵地道潛達旁通幽岫窈窕金精玉英瑱其裏瑤珠怪石
絳其表驪蚪穆其址梢雲冠其嶸海童之所巡遊琴高之所
靈矯冰夷倚浪以傲睨江妃含嚔而聯眇撫凌波而鳧躍吸
翠霞而天矯若乃宇宙澄寂八風不翔舟子於是搦棹涉人
於是擗榜漂飛雲運舩舳相屬萬里連檣沂泗泝流或

漁或商赴交益投幽浪竭南極窮東荒爾乃緒券稜於清旭
覘五兩之動靜長風鱗以增扇廣莫颺而氣整徐而不駸疾
而不猛鼓帆迅越起漲截河凌波縱施電往杳溟靄如晨霞
孤征眇若雲翼絕嶺倏忽數百千里俄頃飛廉無以踰其蹤
渠黃不能企其景於是蘆人漁子擯落江山衣則羽褐食則
蔬鱸旂澱爲泔夾溯羅笳筒灑連鋒罨罨比船或揮輪於懸
崎或中瀨而橫旋忽忘夕而宵歸詠採菱以叩舷傲自足於
一軀尋風波以窮年爾乃域之以盤巖豁之以洞壑疏之以
沍汜鼓之以朝夕川流之所歸湊雲霧之所蒸液珍怪之所
化產瑰奇之所窟宅納隱淪之列真挺異人乎精魄播靈潤
於千里越岱宗之觸石及其譎變儵恍符祥非一動應無方

感事而出。經紀天地。錯綜人術。妙不可盡之。於言事不可窮之。於筆。若乃岷精垂曜於東井。陽侯遜形乎大波。奇相得道而宅神。乃協靈爽於湘娥。駭黃龍之負舟。識伯禹之仰嗟。壯荆飛之擒蛟。終成氣乎太阿。悍要離之圖慶。在中流而推戈。悲靈均之任石。歎漁父之擢歌。想周穆之濟師。驅八駿於龍鼉。感交甫之喪珮。慙神使之嬰羅。煥大塊之流形。混萬盡於一科。保不虧而永固。稟元氣於靈和。考川瀆之妙觀。實莫著於江河。

風賦

宋玉

楚襄王遊於蘭臺之宮。宋玉景差侍。有風颯然而至。王乃披襟而當之。曰快哉此風。寡人所與庶人共者邪。宋玉對曰。此獨大王之風耳。庶人安得而共之。王曰。夫風者。天地之氣。溥暢而至。不擇貴賤高下而加焉。今子獨以爲寡人之風。豈有說乎。宋玉對曰。臣聞於師。枳句來巢。空穴來風。其所託者然。則風氣殊焉。王曰。夫風始安生哉。宋玉對曰。夫風生於地。起於青蘋之末。侵淫谿谷。盛怒於土囊之口。緣太山之阿。舞於松柏之下。飄忽泐滂。激颺燦怒。眩眩雷聲。迴穴錯迕。歷石伐木。梢殺林莽。至其將衰也。被麗披離。衝孔動捷。眴渙燦爛。離散轉移。故其清涼雄風。則飄舉升降。乘凌高城。入于深宮。邸華葉而振氣。徘徊於桂椒之間。翱翔於激水之上。將擊芙蓉之精。獵蕙草。離秦蘅。槩新夷。被稊楊。迴穴衡陵。蕭條衆芳。然後倘佯中庭。北上玉堂。躋于羅帷。經于洞房。迴得爲大王之

風也。故其風中人，狀直憊憊，惛惛，清涼增歎，清冷愈病。析醒發明耳目，寧體便人。此所謂大王之雄風也。王曰：善哉！論事夫庶人之風，豈可聞乎？宋玉對曰：夫庶人之風，塢然起於窮巷之間，堀堞揚塵，勃鬱煩冤，衝孔襲門，動沙堞，吹死灰，駭溷濁，揚腐餘，邪薄入甕牖，至於室廬，故其風中人，狀直憊溷鬱邑，毆溫致溼，中心慘怛，生病造熱，中脣為胗，得目為瞶，啗齧嗽獲，死生不卒。此所謂庶人之雌風也。

秋興賦 并序

潘岳

晉十有四年，余春秋三十有二，始見一毛。以太尉掾兼虎賁中郎將，寓直于散騎之省，高閣連雲，陽景罕曜，蟬冕而襲紈綺之士，此焉遊處。僕野人也，偃息不過茅屋茂林之下，談話不過農夫田父之客。攝官承乏，猥廁朝列，夙興晏寢，匪遑底寧。譬猶池魚籠鳥，有江湖山藪之思。於是染翰操紙，慨然而賦于時秋也。故以秋興命篇。其辭曰：

四運忽其代序，兮萬物紛以廻薄。覽花時之時育兮，察盛衰之所託。感冬索而春敷兮，嗟夏茂而秋落。雖末士之榮悴兮，伊人情之美惡。善乎宋玉之言曰：悲哉秋之爲氣也！蕭瑟兮，草木搖落而變衰；慄兮若在遠行，登山臨水送將歸夫。送歸懷慕，徒之戀兮。遠行有羈旅之憤，臨川感流以歎逝兮。登山懷遠而悼近，彼四感之疚心兮。遭一塗而難忍，嗟秋日之可哀兮。諒無愁而不盡。野有歸燕，隰有翔隼。游氛朝興，槁葉夕隕。於是乃屏輕筆，釋纖絺，藉莞蕝，御衿衣。庭樹撼以灑落。

兮勁風戾而吹帷。蟬嘒嘒以寒吟。兮鴈飄飄而南飛。天晃朗以彌高。兮日悠揚而浸微。何微陽之短晷。覺涼夜之方永。月朧朧以含光。兮露淒淒以凝冷。熠燿粲於階闥。兮蟋蟀鳴乎軒屏。聽離鴻之晨吟。望流火之餘景。宵耿介而不寐。兮獨展轉於羣省。悟時歲之適盡。兮慨俛首而自省。斑鬢彪以承弁。兮素髮颯以垂領。仰羣儔之逸軌。兮攀雲漢以遊騁。登春臺之熙熙。兮珥金貂之炯炯。苟趣舍之殊途。兮庸詎識其躁靜。聞至人之休風。兮齊天地於一指。彼知安而忘危。兮固出生而入死。行投趾於容跡。兮殆不踐而獲底。闕側足以及泉。兮雖猴援而不履。龜祀骨於宗祧。兮思反身於綠水。且斂衽以歸來。兮忽投紱以高厲。耕東臯之沃壤。兮輸黍稷之餘稅。泉涌湍於石間。兮菊揚芳乎崖澗。溼秋水之涓涓。兮玩游鯈之漈漈。逍遙乎山川之阿。兮放曠乎人間之世。優哉游哉。聊以卒歲。

雪賦

謝惠連

歲將暮時。既昏寒風積。愁雲繁。梁王不悅。遊於兔園。乃置旨酒。命賓友。召鄒生。延枚叟。相如末至。居客之右。俄而微霰零。密雪下。王乃歌。北風於衛詩。詠南山於周雅。授簡於司馬大。夫曰。抽子秘思。騁子妍辭。侔色揣稱。爲寡人賦之。相如於是。避席而起。逡巡而揖。曰。臣聞雪宮建於東國。雪山峙於西域。岐昌發詠於來思。姬滿申歌於黃竹。曹風以麻衣。比色楚謠。以幽蘭。麗曲盈尺。則呈瑞於豐年。表丈則表沴於陰德。雪之

時義遠矣哉。請言其始。若乃玄律窮嚴，氣升焦涸，湯谷凝火，井滅溫泉，冰沸潭無，湧炎風不興，北戶墜扉，裸壤垂繒。於是河海生雲，朔漠飛沙，連氛累霄，掩日韜霞，霰淅瀝而先集，雪紛糅而遂多。其爲狀也，散漫交錯，氛氲蕭索，藹藹浮浮，漻漻奕奕，聯翩飛灑，徘徊委積，始緣薨而冒棟，終開簾而入隙。初媿娟於墀廡，末榮盈於帷席。旣因方而爲珪，亦遇圓而成壁。眴隰則萬頃同縞，瞻山則千巖俱白。於是臺如重壁，達似連璐，庭列瑤階，林挺瓊樹，皓鶴奪鮮，白鷗失素，紕袖慙冶，玉顏掩嫵。若乃積素未虧，白日朝鮮，爛兮若燭，龍銜耀照，崑山爾其流淌，垂冰綠雷，承隅粲兮若馮夷，剖蚌列明珠，至夫繽紛繁鶩之貌，皓汗皦潔之儀，迴散縈積之勢，飛聚凝曜之奇。

固展轉而無窮，嗟難得而備知。若乃申娛玩之無已，夜幽靜而多懷，風觸楹而轉響，月承幌而通暉，酌湘吳之醇酎，御狐貉之兼衣，對庭鷗之雙舞，瞻雲鴈之孤飛，折園中之萱草，擿階上之芳薇，踐霜雪之交積，憐枝葉之相違，馳遙思於千里，願接手而同歸，鄒陽聞之懣然，心服有懷，妍唱敬接，末曲於是乃作，而賦積雪之歌。歌曰：攜佳人兮披重幄，援綺衾兮坐芳褥，燎薰爐兮炳明燭，酌桂酒兮揚清曲。又續而爲白雪之歌。歌曰：曲旣揚兮酒旣陳，朱顏醜兮思自親，願低帷以昵枕，念解珮而褫紳，怨年歲之易暮，傷後會之無因，君寧見階上之白雪，豈鮮耀於陽春。歌卒，王乃尋繹吟詠，撫覽扼腕，顧謂枚叔起而爲亂。亂曰：白羽雖白質以輕兮，白玉雖白空守貞。

今未若茲雪，因時興滅。玄陰凝不昧，其潔太陽曜。不固其節，節豈我名潔。豈我貞憑雲，升降從風飄。零值物賦像，任地班形素。因遇立，污隨染。成縱心皓然，何慮何營。

謝莊月賦

謝莊

陳王初喪，應劭端憂多暇。綠苔生閣，芳塵凝榭。悄焉疚懷，不怡中夜。乃清蘭路肅，桂苑騰吹。寒山弭蓋，秋坂臨瀆。壑而怨遙，登崇岫而傷遠。于時斜漢左界，北陸南躔。白露曖空，素月流天。沈吟齊章，殷勤陳篇。抽毫進牘，以命仲宣。仲宣跪而稱曰：臣東鄙幽介，長自丘樊。味道愔學，孤奉明恩。臣聞沈潛既義，高明既經。日以陽德，月以陰靈。擅扶光於東沼，嗣若英於西冥。引玄克於帝臺，集素娥於后庭。朐眇警闕，腠魄示冲順。

辰通燭從星，澤風增華。台室揚彩，軒宮委照。而吳業昌，淪精而漢道融。若夫氣霽地表，雲歛天末。洞庭始波，木葉微脫。菊散芳於山椒，鴈流哀於江瀨。升清質之悠悠，降澄暉之藹藹。列宿掩縹，長河韜映。采祇雪凝，圓靈水鏡。連觀霜縞，周除冰淨。君王乃厭晨歡，樂宵宴收。妙舞弛清縣，去燭房。即月殿。芳酒登鳴琴，薦若乃涼夜自淒。風篁成韻，親懿莫從。羈孤遞進，聆臯禽之夕聞。聽朔管之秋引。於是絃桐練響，音容選和。徘徊房露，惆悵陽阿。聲林虛籟，淪池滅波。情紆軫，其何託。想皓月而長歌，歌曰：美人邁兮音塵闕，隔千里兮共明月。臨風歎兮將焉歇，川路長兮不可越。歌響未終，餘景就畢。滿堂變容，迢遙如去。又稱歌曰：月既沒兮露欲晞，歲方晏兮無與歸。佳

期可以還微霜霑人衣。陳王曰善。乃命執事獻壽羞璧敬佩。王音復之無斁。

鵬鳥賦 并序

賈誼

誼為長沙王傅三年。有鵬鳥飛入誼舍。止於坐隅。鵬似鴉不祥鳥也。誼既以謫居長沙。卑濕。誼自傷悼。以為壽不得長。乃為賦以自廣。其辭曰。

單闕之歲兮。四月孟夏。庚子日斜兮。鵬集余舍。止於坐隅兮。貌甚閑暇。異物來萃兮。私怪其故。發書占之兮。識言其度曰。野鳥入室。主人將去。請問于鵬。余去何之。吉乎告我凶言。其災淹速之度兮。語余其期。鵬迺歎息。舉首奮翼。口不能言。請對以臆曰。萬物變化兮。固無休息。幹流而遷兮。或推而還。形

氣轉續兮。變化而壇。沕穆無窮兮。胡可勝言。禍兮福所倚。福兮禍所伏。憂喜聚門兮。吉凶同域。彼吳疆大兮。夫差以敗。越棲會稽兮。句踐霸世。斯遊遂成兮。卒被五刑。傳說胥靡兮。乃相武丁。夫禍之與福兮。何異糾纏。命不可說兮。孰知其極。水激則悍兮。矢激則遠。萬物回薄兮。振盪相轉。雲蒸雨降兮。糾錯相紛。大鈞播物兮。塊垺無垠。天不可預慮兮。道不可預謀。遲速有命兮。焉識其時。且夫天地為鑪兮。造化為工。陰陽為炭兮。萬物為銅。合散消息兮。安有常則。千變萬化兮。未始有極。忽然為人兮。何足控搏。化為異物兮。又何足患。小智自私兮。賤彼貴我。達人觀兮。物無不可。貪夫徇財兮。烈士殉名。夸者死權兮。品庶每生。休迫之徒兮。或趨西東。大人不曲兮。

意變齊同。愚士繫俗。兮窘若囚拘。至人遺物。兮獨與道俱。衆人惑惑兮。好惡積億。真人恬漠兮。獨與道息。釋智遺形兮。超然自喪。廖廓忽荒兮。與道翱翔。乘流則逝兮。得坻則止。縱軀委命兮。不私與已。其生兮若浮。其死兮若休。澹乎若深淵之靜。泛乎若不繫之舟。不以生故自寶兮。養空而浮。德人無累兮。知命不憂。細故帶芥兮。何足以疑。

鸚鵡賦 并序

爾衡

時黃祖太子射賓客大會。有獻鸚鵡者。舉酒於衡前曰。爾處士。今日無用。娛賓竊以此鳥自遠而至。明慧聰善。羽族之可貴。願先生爲之賦。使四坐咸共榮觀。不亦可乎。衡因爲賦。筆不停綴。文不加點。其辭曰。

惟西域之靈鳥。挺自然之奇姿。體金精之妙質。含火德之明輝。性辯慧而能言。兮才聰明以識機。故其嬉遊高峻。栖峙幽深。飛不安集。翔必擇林。紺趾丹觜。綠衣翠衿。采麗容皎皎。好音雖同族。於羽毛固殊智。而異心配鸞皇。而等美焉。比德於衆禽。於是美芳聲之遠暢。偉靈表之可嘉。命虞人於隴坻。詔伯益於流沙。跨崑崙而播弋。冠雲霓而張羅。雖網維之備設。終一日之所加。且其容止閑暇。守植安停。逼之不懼。撫之不驚。寧順從以遠害。不違忤以喪生。故獻全者受賞。而傷肌者被刑。爾乃歸窮委命。離羣喪侶。閉以彫籠。翦其翅羽。流飄萬里。崎嶇重阻。踰岷越障。載雁寒暑。女辭家而適人。臣出身而事主。彼賢哲之逢患。猶棲遲以羈旅。矧禽鳥之微物。能馴

擾以安處眷西路而長懷望故鄉而延佇村陋體之腥臊亦
何勞於鼎俎嗟祿命之衰薄奚遭時之險巖豈言語以階亂
將不密以致危痛母子之永隔哀伉儷之生離匪餘年之足
惜愍衆雜之無知背蠻夷之下國侍君子之光儀懼名實之
不副恥才能之無奇羨西都之沃壤識苦樂之異宐懷代越
之悠思故每言而稱斯若乃少昊司晨葦收整轡嚴霜初降
涼風蕭瑟長吟遠慕哀鳴感類音聲悽以激揚容貌慘以顛
頽聞之者悲傷見之者隕淚故臣爲之屢歎棄妻爲之歔歔
感平生之遊處兮若壘篋之相須何今日之兩絕若胡越之
異區順權檻以俯仰闕戶牖以踟躕想崑山之高嶽思鄧林
之扶疏顧六駟之殘毀雖奮迅其焉如心懷歸而弗果徒怨
毒於一隅苟竭心於所事敢背惠而忘初託輕鄙之微命委
陋賤之薄軀期守死以報德甘盡辭以效愚恃降恩於既往
庶彌久而不渝

鶴鶴賦 并序

張華

鶴鶴小鳥也。生於蒿萊之間。長於藩籬之下。翔集尋常之內。
而生生之理足矣。色淺體陋。不爲人用。形微處卑。物莫之害。
繁滋族類。乘居匹遊。翩翩然有以自得。被鷲鸚鷓鴻孔雀翡翠。
翠或陵赤霄之際。或託絕垠之外。翰舉足以冲天。背距足以
自衛。然皆負矰嬰繳。羽毛入貢。何者有用於人也。夫言有淺
而可以託深。類有微而可以喻大。故賦之云爾。
何造化之多端。今播羣形於萬類。惟鶴鶴之微禽。今亦攝生

而受氣育。翩翮之陋體。今無玄黃以自貴。毛弗施於器用。兮肉不登乎俎味。鷹鷂過猶俄翼。兮尚何懼於罽罽。翳蒼龍是焉遊集。飛不飄颻。翔不翕習。其居易容。其求易給。巢林不過一枝。每食不過數粒。栖無所滯。遊無所盤。匪陋荆棘。匪榮葭蘭。動翼而逸。投足而安。委命順理。與物無患。伊茲禽之無知。分何處身之似智。不懷寶以賈害。兮不飾表以招累。靜守約而不矜。動因循以簡易。任自然以爲資。無誘慕於世。儻雕鷲介其觜距。鴟鷂軼於雲際。鷓鴣竄於幽險。孔翠生乎遐裔。彼晨鳧與歸鴻。又矯翼而增逝。成美羽而豐肌。故無罪而皆斃。徒銜蘆以避繳。終爲戮於此世。蒼鷹鷲而受縲。鸚鵡惠而入籠。屈猛志以服養。塊幽繫於九重。變音聲以順旨。思摧翮而爲庸。戀鍾代之林野。慕隴坻之高松。雖蒙幸於今日。未若疇昔之從容。海鳥鷗鷺避風而至。條枝巨雀踰嶺自致。提挈萬里。飄颻逼畏。夫唯體大妨物。而形壞足瑋也。陰陽陶蒸。萬品一區。巨細舛錯。種繁類殊。鷦螟巢於蚊睫。大鵬彌乎天隅。將以上方不足。而下比有餘。普天壤以遐觀。吾又安知其小大之所如。

赭白馬賦

并序

顏延之

驥不稱力。馬以龍名。豈不以國上威容。軍馱趨迅而已。實有騰光吐圖。疇德瑞聖之符焉。是以語崇其靈。世榮其至。我高祖之造宋也。五方率職。四隩入貢。秘寶盈於玉府。文駟列乎華廡。乃有乘輿赭白。特稟逸異之姿。妙簡帝心。用錫聖阜服。

御順志馳驟合度齒歷雖衰而藝美不忒襲養兼年恩隱周
渥歲老氣殫斃于內棧必盡其力有側上仁乃詔陪侍奉述
中旨末臣庸蔽敢同獻賦其辭曰

維宋二十有二載盛烈光乎重葉武義粵其肅陳文教迄已
優洽泰階之平可升興王之軌可接訪國美於舊史考方載
於往牒昔帝軒陟位飛黃服阜后唐膺錄赤文候日漢道亨
而天驥呈才魏德懋而澤馬效質伊逸倫之妙足自前代而
間出並榮光於瑞典登郊歌乎司律所以崇備威神扶護警
蹕是用精曜叶從靈物咸秩暨明命之初基罄九區而率順
有肆險以稟朔或踰遠而納賚聞王會之阜昌知函夏之克
物總六服以收賢掩七戎而得駿蓋乘風之淑類實先景之

洪胤故能代驂象輿歷配鈎陳齒筭延長聲價隆振信聖祖
之蕃錫留皇情而驟進徒觀其附筋樹骨垂梢植髮雙瞳夾
鏡兩權協月異體峰生殊相逸發超摠絕夫塵轍驅駑迅於
滅沒簡偉塞門獻狀絳闕且刷幽燕晝秣荆越教敬不易之
典訓人必書之舉惟帝惟祖爰遊爰豫飛轡軒以戒道環鼓
騎而清路勒五營使案部聲八鑿以節步具服金組兼飾丹
雘寶鉸星纏鏤章霞布進迫遮迺却屬輦輅歛聳摧以鴻驚
時濩畧而龍翥弭雄姿以奉引婉柔心而待御至於露滋月
肅霜戾秋登王于興言闡肆威稜臨廣望坐百層料武藝品
驍騰流藻周施和鈐重設睨影高鳴將超中折分馳迥塲角
壯永埒別葦越羣絢練夔絕捷趨夫之敏手促華鼓之繁節

經玄蹄而電散。歷素支而冰裂。膺門沫赭。汗溝走血。蹤迹廻唐。畜怒未洩。乾心降而微怡。都人仰而朋悅。妍變之態。旣畢凌遠之氣。方屬踟躕。鑣轡之牽制。隘通都之囹束。眷西極而驤首。望朔雲而蹠足。將使紫鷲駢衡。綠虵衛轂。織驪接趾。秀騏齊于覲王母於崑崙。要帝臺於宣嶽。跨中州之轍迹。窮神行之軌。躅然而盤于遊畋。作鏡前王。肆於人上。取悔義方。天子乃輟駕。迴慮息。徒解裝鑿武穆。憲文光振。民隱修國。章戒出豕之敗。御惕飛鳥之時。衡故祗慎乎所常。忽敬備乎所未防。輿有重輪之安。馬無泛駕之佚。處以濯龍之奧。委以紅粟之秩。服養知仁。從老得卒。加弊帷收仆質。天情周皇。恩畢亂曰。惟德動天。神物儀兮。於時駟駿充階。街兮。稟靈月駟。祖雲螭兮。雄志倜儻。精權奇兮。旣剛且淑。服鞿羈兮。効足中黃。狗驅馳兮。願終惠養。蔭本枝兮。竟先朝露。長委離兮。

舞鶴賦

鮑昭

散幽經以驗物。偉胎化之仙禽。鍾浮曠之藻質。抱清迥之明心。指蓬壺而翻翰。望崑閬而揚音。日域以迴鶩。窮天步而高尋。踐神區其旣遠。積靈祀而方多。精含丹而星耀。頂凝紫而煙華。引貪吭之纖婉。頓脩趾之洪姱。疊霜毛而弄影。振玉羽而臨霞。朝戲於芝田。夕飲乎瑤池。厭江海而遊澤。掩雲羅而見羈。去帝鄉之岑寂。歸人寰之喧卑。歲崢嶸而愁暮。心惆悵而哀離。於是窮陰殺節。急景凋年。涼沙振野。箕風動天。嚴嚴苦霧。皎皎悲泉。冰塞長河。雪滿羣山。旣而氛昏夜歇。景物

澄廓星翻漢迴曉月將落感寒雞之早長憐霜雁之遠漠臨
驚風之蕭條對流光之照灼嘆清響於丹墀舞飛容於金閣
始連軒以鳳踏終宛轉而龍躡躑徘徊振迅騰摧驚身逢
集矯翅雲飛離網別赴合緒相依將與中止若往而歸颯杳
矜顧遙延遲暮逸翮後塵翺翥先路指會規翔臨岐矩步態
有遺妍貌無停趣奔機逗節角睐分形長揚緩鷺並翼連聲
輕迹凌亂浮影交橫衆變繁姿參差滄密煙交霧凝若無毛
質風去雨還不可談悉既散竟而盪目迷不知其所之忽星
離而雲罷整神容而自持仰天居之崇絕更惆悵以驚思當
是時也燕姬色沮巴童心耻巾拂兩停丸劍雙止雖邯鄲其
敢倫豈陽阿之能擬入衛國而乘軒出吳都而領市守馴養
於千齡結長悲於萬里

幽通賦

班固

系高瑱之玄胄兮氏中葉之炳靈飄凱風而蟬蛻兮雄朔野
以颺聲皇十紀而鴻漸兮有羽儀於上京巨滔天而泯夏兮
考邁愍以行謠終保已而貽則兮里上仁之所廬懿前烈之
純淑兮窮與達其必濟咨孤蒙之眇眇兮將圯絕而罔階豈
余身之足殉兮違世業之可懷靖潛處以永思兮經日月而
彌遠匪黨人之敢捨兮庶斯言之不玷竟煢煢與神交兮精
誠發於宵寐夢登山而迥眺兮覲幽人之髣髴攬葛藟而授
余兮眷峻谷日勿墜物昕寤而仰思兮心矇矇猶未察黃神
邈而靡質兮儀遺讖以臆對日乘高而選神兮道遐通而不

迷葛絲絲於樛木兮詠南風以爲綏蓋惴惴之臨深兮乃二
雅之所祗既訊爾以吉象兮又申之以炯戒蓋孟晉以追羣
兮辰儵忽其不再承靈訓其虛徐兮佇盤桓而且俟惟天地
之無窮兮鮮生民之晦在紛屯適與蹇連兮何艱多而知寡
上聖迂而後拔兮豈羣黎之所御昔衛叔之御昆兮昆爲寇
而喪予管彎弧欲斃讐兮讐作后而成已變化故而相詭兮
孰云預其終始雍造怨而先賞兮丁繇惠而被戮栗取弔于
道吉兮王膺慶於所感叛迴穴其若茲兮北叟頗識其倚伏
單治裏而外凋兮張修禿而內逼事申餘爲庶幾兮顏與冉
又不得溺招路以從已兮謂孔氏猶未可安恬恬不能兮卒
隕身乎世禍遊聖門而靡救兮雖覆醢其何補固行行其必

凶兮免盜亂爲賴道形氣發於根抵兮柯葉彙而零茂恐魍
魎之責景兮羌未得其云已黎淳耀於高辛兮芊彊大於南
汜羸取威於百儀兮姜本支乎三趾既仁得其信然兮仰天
路而同軌東鄰虐而殲仁兮王合位乎三五戎女烈而喪孝
兮伯徂歸於龍虎發還師以成命兮重醉行而自耦震鱗鱗
於夏庭兮匪三正而滅姬巽羽化乎宣宮兮彌五辟而成災
道脩長而世短兮夔冥默而不周胥仍物而鬼誼兮乃窮宙
而達幽媯巢姜於孺筮兮且筭祀於契龜宣曹興敗於下夢
兮魯衛名謚於銘謠妣聆呱而劾石兮許相理而鞠條道混
成而自然兮術同原而分流神先心以定命兮命隨行以消
息幹流遷其不濟兮故遭罹而羸縮三樂同於一體兮雖移

易而不忒洞參差其紛錯兮斯衆兆之所惑周賈盪而貢憤
兮齊死生與禍福抗爽言以矯情兮信畏犧而忌鵬所貴聖
人至論兮順天性而斷誼物有欲而不居兮亦有惡而不避
守孔約而不貳兮乃韜德而無累三仁殊於一致兮夷惠舛
而齊聲木偃息以蕃魏兮申重繭以存荆紀焚躬以衛上兮
皓頤志而弗傾侯草木之區別兮苟能實其必榮要歿世而
不朽兮乃先民之所程觀天網之絃覆兮實悲謀而相訓謨
先聖之大猷兮亦鄰德而助信虞韶美而儀鳳兮孔忘味於
千載素文信而底麟兮漢賓祚于異代精通靈而感物兮神
動氣而入微養流睇而猿號兮李虎發而石開非精誠其焉
通兮苟無實其孰信操末技猶必然兮矧耽躬於道真登孔
吳而上下兮緯羣龍之所經朝貞觀而夕化兮猶誼已而遺
形若胤彭而借老兮訴來哲而通情亂曰天造草昧立性命
兮復心弘道惟聖賢兮渾元運物流不處兮保身遺名民之
表兮舍生取誼亦道用兮憂傷天物忝莫痛兮皓爾太素曷
渝色兮尚越其幾淪神域兮

思玄賦

張衡

仰先哲之玄訓兮雖彌高而弗違匪仁里其焉宅兮匪義跡
其焉追潛服膺以永靖兮緜日月而不衰伊中情之信脩兮
慕古人之貞節竦余身而順止兮遵繩墨而不跌志搏搏以
應懸兮誠心固其如結旌性行以製珮兮佩夜光與瓊枝繡
幽蘭之秋華兮又綴之以江蘼美襍積以酷烈兮允塵邈而

難虧既姱麗而鮮雙兮非是時之攸珍奮余榮而莫見兮播
余香而莫聞幽獨守此側陋兮敢怠違而舍勤幸二八之選
虞兮嘉傳說之生殷尚前良之遺風兮恫後辰而無及何孤
行之莞莞兮子不羣而介立感鸞鷲之特棲兮悲淑人之希
合彼無合其何傷兮患衆偽之冒真且獲讎于羣弟兮啓金
滕而後信覽蒸民之多僻兮畏立辟以危身曾煩毒以迷惑
兮嗟孰可以爲言已私湛憂而深懷兮思續紛而不理願竭
力以守義兮雖貧窮而不改執雕虎而試象兮沾焦原而跟
止庶斯奉趾以周旋兮要既死而後已俗遷渝而事化兮泯
規矩之圓方寶蕭艾於重笥兮謂蕙芷之不香斥西施而弗
御兮繫騷蓑以服箱行頗僻而獲志兮循法度而離殃惟天

地之無窮兮何遭遇之無常不抑操而苟容兮譬臨河而無
航欲巧笑以干媚兮非余心之所嘗襲溫恭之黻衣兮被禮
義之繡裳辨貞亮以爲鞶兮雜伎藝以爲珩昭綵藻以瑇瑁
兮璜聲遠而彌長淹棲遲以恣欲兮曜靈忽其西藏恃已知
而華予兮題鳩鳴而不芳冀一年之三秀兮適白露之爲霜
時疊疊而代序兮疇可與乎比伉姘妬媿之難並兮想依韓
以流亡恐漸冉而無成兮畱則蔽而不彰心猶豫而狐疑兮
卽岐趾而臚情文君爲我端著兮利肥遜以保名歷衆山以
周流兮翼迅風以揚聲一女感於崇嶽兮或冰折而不管天
蓋高而爲澤兮誰云路之不平勗自彊而不息兮蹈玉階之
嶢嶢懼筮氏之長短兮鑽東龜以觀禎遇九臯之介鳥兮怨

素意之不呈遊塵外而瞥天兮據冥翳而哀鳴鵬鷲競於貪
婪兮我修潔以益榮子有故於玄鳥兮歸母氏而後寧占既
吉而無悔兮簡元辰而俶裝且余沐於清源兮晞余髮於朝
陽漱飛泉之瀝液兮咀石菌之流英翺鳥舉而魚躍兮將往
走乎八荒過少皞之窮野兮問三丘于句芒何道真之淳粹
兮去穢累而影輕登蓬萊而容與兮鼇雖抃而不傾畱瀛洲
而採芝兮聊且以乎長生憑歸雲而遐逝兮夕余宿乎扶桑
飲青岑之玉醴兮餐沆瀣以爲糧發昔夢於木末兮穀崑崙
之高岡朝吾行於陽谷兮從伯禹乎稽山嘉羣神之執玉兮
疾防風之食言指長沙以邪徑兮存重華乎南鄰哀二妃之
未從兮翩續處彼湘濱流日眺夫衡阿兮覩有黎之圯墳痛

火正之無懷兮託山坡以孤蒐愁鬱鬱以慕遠兮越卬州而
遊遨躋日中于昆吾兮憇炎火之所陶揚芒熛而絳天兮水
泫泫而涌濤溫風翕其增熱兮怒鬱悒其難聊顛羈旅而無
友兮余安能乎畱茲顧金天而歎息兮吾欲往乎西嬉前祝
融而使舉麾兮纒朱鳥以承旗躔建木於廣都兮撫若華而
躊躇超軒轅於西海兮跨汪氏之龍魚聞此國之千歲兮曾
焉足以娛余思九土之殊風兮從蓐收而遂徂歛神化而蟬
蛻兮朋精粹而爲徒蹶白門而東馳兮云台行乎中野亂弱
水之潺湲兮逗華陰之湍渚號馮夷俾清津兮摧龍舟以濟
予會帝軒之未歸兮悵倘佯而延佇泗河林之萋萋兮偉關
雎之戒女黃靈詹而訪命兮穆天道其焉如日近信而遠疑

今六籍闕而不書神遠昧其難覆兮疇克謨而從諸牛哀病
而成虎兮雖逢昆其必噬鼈令殪而尸亡兮取蜀禪而引世
死生錯其不齊兮雖司命其不踟竇號行於代路兮後膺祚
而繁廡王肆侈於漢庭兮卒銜恤而絕緒尉老眉而郎潛兮
逮三葉而遭武董弱冠而司袞兮設王隧而弗處夫吉凶之
相仍兮恒反側而靡所穆屆天以悅牛兮豎亂叔而幽主文
斷祛而忌伯兮闔謁賊而寧后通人闇於好惡兮豈昏惑而
能割羸擿讖而戒胡兮備諸外而發內或輦賄而違車兮孕
行產而為對慎竈顯以言天兮占水火而妄諄梁叟患夫黎
丘兮丁厥子而剗刃親所睨而弗識兮矧幽冥之可信無絲
擘以倖已兮思百憂以自珍彼天監之孔明兮用斐忱而祐

仁湯蠲體以禱祈兮蒙厖禡以拯民景三慮以營國兮筭惑
次於他辰魏顥亮以從治兮鬼亢回以斃秦咎繇邁而種德
兮樹德懋于英六桑末寄夫根生兮卉旣凋而已育有無言
而不酬兮又何往而不復盍遠迹以飛聲兮孰謂時之可蓄
仰矯首以遙望兮寬傲憫而無儔逼區中之隘陋兮將北度
而宣游行積冰之皚皚兮清泉汨而不流寒風淒其永至今
拂穹岫之騷騷玄武縮于殼中兮騰蛇蜿而自糾魚矜鱗而
并凌兮鳥登木而失條坐太陰之屏室兮慨含歎而增愁怨
高陽之相寓兮佃顥瑱而宅幽庸織路於四裔兮斯與彼其
何瘳望寒門之絕垠兮縱余練乎不周迅焱瀟其賸我兮驚
翩飄而不禁越谿壩之洞穴兮漂通川之砾砾經重陰乎寂

冥兮慾墳羊之深潛追荒忽於地底兮軼無形而土浮出石
密之闇野兮不識蹊之所由速燭龍兮執炬兮過鍾山而中
休瞰瑤谿之赤岸兮弔祖江之見劉聘王母於銀臺兮羞玉
芝以療飢戴勝愁其既歡兮又謂余之行遲載太華之玉女
兮召洛浦之處妃咸姣麗以盡媚兮增嫋眼而娥眉舒眇婧
之纖腰兮揚雜錯之袿微離朱脣而微笑兮頰的皪以遺光
獻環珉與琛縞兮申厥好以玄黃雖色豔而賂美兮志浩蕩
而不嘉雙材悲於不納兮並詠詩而清歌歌曰天地網縊百
卉含葩鳴鶴交頸睢鳩相和處子懷春精魂回移如何淑明
忘我實多將答賦而不暇兮爰整駕而亟行瞻崑崙之巍巍
兮臨滎河之洋洋伏靈龜以負坻兮巨螭龍之飛梁登閼風

之層城兮構不死而為林屑瑤藥以為糝兮醴白水以為漿
抨巫咸以占夢兮乃貞吉之元符滋令德於正中兮含嘉秀
以為敷既垂穎而顧本兮亦要思乎故居安和靜而隨時兮
姑純懿之所廬戒庶僚以夙會兮僉供職而並迓豐隆軒其
震霆兮列缺擘其照夜雲師黜以交集兮凍雨沛其灑途轆
瑤輿而樹葩兮擾應龍以服輅百神森其備從兮屯騎羅而
星布振余袂而就車兮修劔揭以低昂冠崑崙其映蓋兮佩
絛纒以輝煌僕夫儼其正策兮八乘騰而超驤氛旄浴以天
旋兮蜺旌飄以飛颺撫軫軼而還睨兮心勺灑其若湯羨上
都之赫戲兮何迷故而不忘左青瑤以捷芝兮右素威以司
鉞前長離使拂羽兮後委水衡乎玄冥屬箕伯以函風兮澄

洪恣而為清曳雲旗之離離兮鳴玉鸞之譽譽涉清霄而升
 遐兮浮蟻蠓而上征紛翼翼以徐戾兮焱回回其揚靈叫帝
 閭使闢扉兮覲天皇於瓊宮聆廣樂之九奏兮展洩洩以彤
 彤考治亂於律均兮意建始而思終惟般逸之無斃兮懼樂
 往而哀來素女撫絃而餘音兮太容吟日念哉既防溢而靖
 志兮迨我暇以翱翔出紫宮之肅肅兮集太微之閔閔命王
 良掌策駟兮踰高閣之將將建罔車之幕幕兮獵青林之芒
 芒彎威弧之拔刺兮射罅喙之封狼觀壁壘於北落兮伐河
 鼓之磅礴乘天潢之汎汎兮浮雲漢之湯湯倚招搖攝提以
 低回剡流兮察一紀五緯之綢繆適皇偃蹇天矯婉連卷兮
 雜沓叢嶺馳以方驤鹹汨膠淚沛以罔象兮爛熳麗靡貌以

迭邊凌驚雷之硠礚兮弄狂電之淫裔踰滄鴻於宕冥兮貫
 倒景而高厲廓盪盪其無涯兮乃今窺乎天外據開陽而頽
 眠兮臨舊鄉之諳諳悲離居而勞心兮情悁悁而思歸覓眷
 眷而屢顧兮馬倚輶而徘徊雖遊娛以媮樂兮豈愁慕之可
 懷出閭闔兮降天途乘焱忽兮馳虛無雲霏霏兮繞余輪風
 眇眇兮震余旗續連翩兮紛暗曖儵眩眩兮反常閭收疇昔
 之逸豫兮卷淫放之遐心脩初服之娑娑兮長余佩之參參
 文章負以燦爛兮美紛紜以從風御六藝之珍駕兮遊道德
 之平林結典籍而為畧兮殿儒墨而為禽玩陰陽之變化兮
 詠雅頌之徽音嘉會氏之歸耕兮慕歷阪之嶽嶽恭夙夜而
 不貳兮固終始之所服夕惕若厲以省譽兮懼余身之未勅

荀中情之端直兮莫吾知而不悶默無爲以凝志兮與仁義
乎逍遙不出戶而知天下兮何必歷遠以劬勞系曰天長地
遠歲不留俟河之清祗懷憂願得遠渡以自娛上下無常窮
六區超踰騰躍絕世俗飄飄神舉逞所欲天不可階仙夫稀
相舟悄悄各不飛松喬高時孰能離結精遠遊使心携廻志
竭來從玄謀獲我所求夫何思

歸田賦

張衡

遊都邑以永久無明畧以佐時徒臨川以羨魚俟河清乎未
期感蔡子之慷慨從唐生以決疑諒天道之微味追漁父以
同嬉超埃塵以遐逝與世事乎長辭於是仲春令月時和氣
清原隰鬱茂百草滋榮王睢鼓翼倉庚哀鳴交頸頡頏關關
嚶嚶於焉逍遙聊以娛情爾乃龍吟方澤虎嘯山丘仰飛織
繳俯釣長流觸矢而斃貪餌吞鈎落雲間之逸禽懸淵沈之
魴鱮于時曜靈俄景繼以望舒極盤遊之至樂雖日夕而忘
劬感老氏之遺誠將廻駕乎蓬廬彈五絃之妙指詠周孔之
圖書揮翰墨以奮藻陳三皇之軌模苟縱心於域外安知榮
辱之所如

文選卷之三



